



Aningaasaqarnermut Nunanilu Avannarlerni Suleqatigiinnermut Naalakkersuisoq

Ulloq: 19. november 2019
J.nr.: 01.31.06/19-00856

Aningaasaqarnermut Akileraartarnermullu Ataatsimiititaliap tallimangornermi ulloq 15. november 2019-imi aalajangiineranik Naalakkersuisunut ilisimatitsineq.

Kiffartuunneqarnissamut isumaqatigiissutinik pitsanngoraaneq kiisalu kontomi pingaarnermi 20.11.70 Suliniutinut nutaanut sillimmatit aamma kontomi pingaarnermi 72.20.05 Ilaasunik angallassinermut tapiissutit, missingersuutitut sunniuteqanngitsumik nuussineq. – Suliaq nr. 01.31.06/19 – 00856.

”Naalakkersuisut **inassutigaat**,

- Aningaasaqarnermut Akileraartarnermullu Ataatsimiititaliap 2019-imut 1 mio. koruunit atugassanngortinneqarnissaat akuerissagaat, aamma
- kontomi pingaarnermi 20.11.70 Suliniutinut nutaanut sillimmatit, aningaasaliissutit 2019-imi 1 mio. koruuninik ikilisinneqassasut, kiisalu
- Kontomi uani 72.20.05 Ilaasunik angallassinermut tapiissutit, aningaasaliissutit 2019-imi 1 mio. koruuninik amerlisinneqassasut.”

Aningaasaqarnermut Ataatsimiititaliap oqaaseqaatai apeqqutaalu:

Suliaq una suliaq nr. 01.31.06/19 – 00853-imut ataatsimiititaliap allakkatigut 22. oktoberimeersutigut itigartitaanut malitseqartitsissutaavoq. Kontoni pingaarnerni arlalinni atugassiissutiginninnissap siunnersuutigineqarnera pissutigalugu taamani suliaq ataatsimiititaliamit akuerineqarsimangitsoq Naalakkersuisoq allapput. Tamanna eqqunngilaq. 2019-imut aningaasanut inatsimmik Inatsisartut akuersissutiginninneranni aningaasaliinnermut tunngavinnik taamani inassuteqaatit eqqortitsinngimmata ataatsimiititaliamit akuerineqarsinnaasimangillat. Aningaasaliinnermi tunngavigineqartunik eqquutsitsisumik qinnuteqartoqarnissaa ataatsimiititaliamit kissaatiginartinneqarpoq, tamatumalu kingunerisaanik aningaasat konto pingaarneq 72.20.05, ilaasunik angallassinermut tapiissutitut tunngasoq, aqutugalugu atugassiissutigineqartussaassallutik.

Suliaq nr. 853 pillugu ataatsimiititaliap akissutitut allagaa Naalakkersuisunit ingerlaanartumik qisuariarfigineqarsimangimmat ataatsimiititaliamit ajuusaarutigineqassaaq. Billetsinik taartissanik matussusiivigineqarnissamik qulakkeerinnermut aammalu nunatta kujataani 2019-imi novemberip decemberillu qaammataani qulimiguulimmik immikkut ilasinermut 2,15 mio. kr.-it atorneqarnissaannik kissaateqarlutik Naalakkersuisut qinnuteqaammik nassiussimasinnaagaluarput. Taamaallaat decemberip qaammataani qulimiguulimmik sullissinissamut qinnuteqaat una ajorluartumik taamaallaat atuupput.

Kiisalu suliaq ataatsimiititaliami isertuussassatut sularineqarnissaa qinnutigineqartillugu Naalakkersuisut tamatumunnga tunngavilersuisarnissaat ataatsimiititaliamit kissaatiginaqartinneqarpoq.

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasa-
qarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua